

《淨土生無生論導讀》補充講表

◎附表十二：糅合《淨土生無生論親聞記》、《淨土生無生論講義》、《淨土生無生論會集》

○或疑境觀乃觀想念佛之法，以為持名念佛與境觀無關；而不知名亦為境，持亦為觀。

※《靈峰宗論》卷第五之三·念佛即禪觀論云：「若持名號，一往亦與禪觀異；然無論解

與不解，而所持之名，當體無非一境三諦；能持之心，當體無非一心三觀。

故曰：明珠投於濁水，濁水不得不清；佛號投於亂心，亂心不得不一。是則心無異緣，即是靜，是止；名號歷歷，即是慮，是觀，亦究竟同也。」

○因陀羅網：梵語。又作天帝網、帝網。為帝釋天之寶網，乃莊嚴帝釋天宮殿之網。網之一一結皆附寶珠，其數無量，一一寶珠皆映現自他一切寶珠之影，又一一影中亦皆映現自他一切寶珠之影，如是寶珠無限交錯反映，重重影現，互顯互隱，重重無盡。《華嚴經》以「因陀羅網」譬喻諸法之一與多，相即相入，

重重無盡之義，此皆為顯示事事無礙圓融之法門。（糅合《佛光大辭典》）

△湛然大師所說的「禮佛觀想偈」曰：「能禮所禮性空寂，感應道交難思議！我此道場如帝珠，彌陀如來影現中！我身影現如來前，頭面接足歸命禮！」

※藕益大師釋觀想偈云：「我此道場如帝珠等四句，重明互遍互具妙觀，深顯事事無礙法界也。：如兩鏡相照，由明淨故，方能互現，互為能照，互為所照。感應之道交，亦復如是。兩鏡中影，雖各各重重無盡，而無出入，亦無往來。法性本然，詎可思議？達此不思議法性已，方知我之一室道場，本與法界虛空界等。十方三世諸佛菩薩，無不炳現此一室中。猶如帝珠，普現一切。又知十方三世諸佛菩薩道場海會，無不皆然。亦如帝珠，普現一切。故我此身雖在於此，決定普於一切諸佛菩薩之前，而現其影。此則不唯一身禮一佛，亦復一身遍禮一切佛；亦復一切身互禮一切佛，稱性互遍，稱性互具。」

※《念佛與十大願王》云：「我此禮佛道場，如帝釋天的寶珠網一樣，有重重無盡的彌陀如來，影現其中。帝釋天宮有一莊嚴羅網懸飾空中。是用一千個寶珠穿成的。粒粒寶珠，皆有光明，互照互攝。一個寶珠裏面，有九百九十九個寶珠的影子。個個寶珠，悉皆如是。這是第一重境界。一個寶珠，帶著所照攝的九百九十九個珠影，又照入個個寶珠之中。個個寶珠，悉皆如是。這是第二重境界。如是互相攝入，第三重，第四重，乃至重重無盡。」

○若捨事觀理，則如同波外求水，雲外覓月。

※《成唯識論觀心法要》卷八云：「問曰：若必證見真如，方了依他起性，則初心修觀，即應便觀真如，何故《大乘止觀》，乃令先觀徧計，次觀依他，後觀圓成實耶？」

答曰：真如不在依他性外，初心若觀真如，必將妄計一箇無名無相，曠若虛空者以為真如，便成徧計所執。此情最不可救，以不達諸法當體無性，墮惡取空。不知所觀空理，

正是第六識之相分（即第六識之法塵）。假使一切時中，空境現前，而又不破戒律，不撥萬行，一祇可生無色天中。若因見此空故，破戒破見，直墮阿鼻大地獄矣。

所以一切大乘法門，皆令眾生，即於現前諸法，強觀無實。既知無實，便解如幻；既解如幻，便悟實性；既悟實性，方能從體起用。」

◆惡取空：指錯誤理解空性，否定因果緣起之理，而執著於斷滅之空見。

○是以西方十六諸境，吾心事理二觀，一一無非法界全體。

約不變隨緣而言

約隨緣不變而言

◆是以：所以也，乃承上之詞。「十六諸境，無非法界全體」者，謂所觀之境，皆是性體性量也。「事理二觀，無非法界全體」者，謂能觀之心，亦是性體性量也。境觀二者皆本於性具之圓融不思議體，而非少分，故曰：「一一無非法界全體」。性體清淨，故能互含；性量周遍，故能互遍；以互遍互含，故能互吞。如兩鏡相對，互現互照也。